

而后稷興。商業兆玄鳥之祥。唐帝叶赤龍之瑞。嵩石發於夏啓。赤爵表於周文。圖牒禎符。古今一揆。欽惟聖上皇帝陛下。承祖宗之施祉。襲德澤之流光。應運之昌。篤生之慶。豈不出乎其類。拔乎其萃。昔哉。原夫佛跡。山天福寺。峯巒驚嶺。洞廠崐崙。西連圓傘之雲。東抱喝江之水。至人觀化。曾此徜徉。石壁頂痕。雲庵足跡。混沌以來。宛然如在。眞竺乾之福地。仙島之洞天也。加以李朝徐公道行卓錫。持蠟逾數十年。天王感轉經之功。法友證托胎之果。如如遺蛻。曹溪不壞之法身。湛湛道心。達摩歸空之寶相。寔妙勝之頭陀。圓明之法印也。蓋其億萬斯年。儲休鐘秀。磅礴穹壤間。必待聖人而後發耶。迨夫光順初元。陰慝既除。乾綱復正。聖宗淳皇帝。以是年六月十日。俯狗輿情。光登宸極。簡求淑德。正位宮中。時長樂殿皇太后以禎國公第二女。懿範嘉儀。首稱其選。七月入侍。拜充儀。居永寧宮。寵遇冠於後庭。未幾有娠。公爲皇太后致禱。是寺徐公庵。方展拜間。忽有山石飛落其前。公懷之謹密。令雕作其像。納石于衷。別構一庵。奉之人莫知之。明年辛巳仲秋八月十日。聖上應期降誕。三宮交慶。率土歸心。三年壬午。聖上以嫡長立爲皇太子。仁孝夙成。溫文日就。天下於是益隆矣。洪德改元。聖太后自充儀冊爲貴妃。恩禮日加。及公臨沒。囑家人曰。飛石之異。他日幸而有應。宜立碑記其事。以垂不朽。洪德二十八年。聖宗淳皇帝上仙。聖上皇帝嗣位。社稷宗廟有所托。華夷蠻貊皆率從尊聖母貴妃爲皇太后。居長樂殿。榮養備至。慈極怡愉。福履之綏。祚胤之繁。與周姒同其盛美也。聖天子率茲舊章。舉行仁義。流亡復業。盜賊革心。甫及再期。天下大治。漢文之盛。唐太之隆。未足以喻也。景統六年。追思夙願。欲顯神功。時以碑文命臣撰次。臣淺陋。何以發揮神道感通之理。然旣叨奉明詔。敢不對揚休命。嗚呼。天人相與之際。微矣哉。蓋志之所至。氣亦至焉。理之所至。精亦至焉。是

卷七 人物誌

勳賢之輔

四十

理也。察乎天地。貫乎古今。不以顯而彰。不以隱而秘。存乎其人。則在方寸間。一感孚耳。况聖天子明德之遠。積慶之崇。古昔帝王未之有也。粵自皇朝紹平間。光淑皇太后有玉帝授孩兒之夢。果生聖宗淳皇帝。及長樂皇太后有黃龍入左脅之祥。篤生聖上皇帝。祥瑞必不虛發。天命固有攸歸矣。禎國識鑒精通。寸忱懇至。神石之應。豈偶然哉。且幽明無二。物類本一。象垂於天者。星也。質凝於下者。石也。依人而行者。神也。降祥在德者。天也。深庵靈異之應。石耶。星耶。天耶。祥耶。德耶。是豈淺識所能預知哉。穹示錫美。岳瀆炳靈。真萬古而一日也。不記嘉貺。曷著純美。謹拜手稽首而銘曰。啓天聖王。必有休祥。成功特異。樹德克昌。聖神毓慶。相古有光。誕膺眷顧。永篤周祜。萬世累仁。萬年垂裕。施于文孫。緜洪寶祚。歸彼名山。虎踞龍蟠。靈踪勝跡。磅礴其間。待時而發。莫測端倪。英英奕葉。壺治謨法。聖考初年。自天作合。熊夢允孚。燕謀昭答。禎國靜淵。茲山致虔。冥心默禱。格至上玄。忽有神石。見于庵前。惟茲神石。精誠所格。妙入金身。渾融無迹。崇構奉之人。不厭數。明年仲秋。崇祐垂休。祥開虹渚。道闡燕謀。國本益重。盤石金甌。尊公遺囑。其言可復。事如有徵。善則必錄。宜製碑文。發揚洪德。鵠尾之春。化瑟成新。聖皇嗣德。守位以仁。建用皇極。敦叙彝倫。慈宸膺養。尊崇無上。福履永綏。穹示叶相。國教誕敷。萬方咸仰。昭昭靈應。亶亶玄功。茲言在耳。深契宸衷。貞珉有作。式表崇鴻。天地久長。山川融峙。勒此穹碑。奠于南紀。功德兼隆。礪礪永世。文成甚稱旨。尋進本部尙書兼翰林院侍讀。仍掌院事。寬大簡重。爲時名臣。號珠溪。有集行于世。

裴昌澤 青潭定功人。年二十八。登洪德九年戊戌科同進士。昌澤少事耕稼。躬勤講磨。帶經而耨。囊螢而讀。農事不廢。而學業日進。一舉登科。放榜時。猶耕於野。邑人榮之。初授翰林。聖宗征占時。

扈視有功。己酉冬。奉使如明。歲貢二十四年。春。奉作廣文亭記曰。臣聞天不言而四時行。百物生。日月之所垂象也。帝無聞而天下治。萬邦理。命令之所垂法也。聖天子握乾符。臨寶位。治功丹牘。二十餘年。武功抗文德。修四海九州。皆爲臣妾。梯山之區。航海之隅。號令之所周也。霜露所墜。舟車所至。武朔所被也。海隅蒼生。必爲帝臣。而承帝命矣。皇帝陛下。乃慮夫政事之繁。臣民之衆。難以耳提而面命。於是鳩庶工。張規矩。垂之能。輸之巧。特建名亭於大興門之內。以爲懸治象之所。其地則鳳樓峙於前。龍城遶於外。銀溝激道。左右周旋。惟瞻視之有地。其形則楹棟儼其高。雕琢斥而弛。不陋而卑。不壯而麗。視制度之得中也。既成。特賜名曰廣文亭。朝廷載新。煥發號令。籌軍國之務。則禮義之儀。百司庶尹之政。天下萬民之務。莫不星明而日麗。蓋將以新萬方之視聽。表一代之文明。非虛設也。當其法令初成。觀者莫不景仰。一新制度。燦爛雲霞。爲百官者。則明道揆。謹官常。奉布下之堯言。觀懸象之禹詔。莫不師師而相規。爲四方者。則聞德化而歡欣。奉德音而鼓舞。仰虞廷雍熙之治。聽漢廷寬大之書。莫不欣欣相樂也。是則斯亭之作。所以增棟隆之慶。基盤奠之傳。豈偶然哉。噫。斯亭之設有由矣。政教之施設。命令之發輝。煥乎其有文。堯之成功也。郁乎其有文。周之盛治也。邦國泰和。舜之文德也。聲教遠暨。禹之文命也。一言之發。審是樞機。一令之施。堅如金石。天下之人。皆曰大哉。吾皇言一哉。吾皇心一文德。發達無遠不至。則斯亭之設。而廣文之名。所以爲萬世龜鑑也。記成。上特加稱賞。聖宗崩。憲宗登極。陞東閣校書。其有表謝云。伏以地遠峴蓬。久玷深嚴之直。天低雨露。過蒙優渥之恩。舊次升華。孤忠益感。臣遭逢一第。玩愒廿年。西徼朔風。馳使莫施於薄效。北扉東閣。揆擢奚取於燕詞。每懷脫盥之慚。遽抱遺弓之痛。六虛香藹。愁望堯雲。五彩輝煌。欣瞻舜日。普率胥

卷七 人物誌

勸賢之輔

四二

覃於解澤。迂疎亦預於升階。鵷鷺行中。榮廁鄭駟之末。絲綸閣下。暖回黎火之光。顧遇寔多。寅緣莫測。伏遇皇帝陛下。丕承武烈。大振文風。在明德在新民。蒞政宣弘於敷教。不泄邇不忘遠。立賢式廣於勸功。時方欣公道之開。臣濫竊私人之寵。臣敢不祇承帝德。佩服官箴。希文供奉兩朝。豈敢忘於際會。欽之恪勤一節。尙罔替於始終。再遷僉都御史。復有謝表云。伏以葵閣天開。甫華舊次。栢臺地峻。更賁新銜。仰惟獎擢之仁。倍切激昂之念。臣竊惟紀綱之地。耳目攸司。必無私方可律人。必有守乃能執憲。蔡襄拜爵。一時之英俊汗顏。景讓立朝。當日之奸豪距脫。向非負鷹鷂之志。曷能清燕雀之羣。如臣者。技愧虫雕。迹非鴻漸。鸞坡玉署。侵尋殆閱於廿期。戎輅星輶。奔走莫施於寸效。倖冒每慚於旅進。亨嘉快覩於離明。會際風雲。依承有幸。澤膏雨露。沐浴過優。夫何未恢於六旬。遽爾驟躋於七貴。釋青綾而凝紫綬。故事增輝。以白望而聳私官。時流駭聽。矧金殿燕閒之際。承玉旨迪訓之方。徐樂近至大夫。深懷躡等。行成驟居廊廟。奚假先容。第虞重責而莫勝。尤恐恩隆而難報。誰知孱瑣有此希奇。伏遇皇帝陛下。恢廓帝聰。尊崇儒術。本一心以澄萬化。疊疊經綸。操八柄以御羣工。巍巍統馭。舉措肅嚴於予奪。忠奸廣示於勸懲。謂臣久玷聯常。初無朋比。知臣夙存樸直。尙可使令。繩違特委於要權。裁決期據於素蘊。臣敢不祇承睿眷。思竭愚衷。閒暇修其政刑。礪治欣觀於盛世。黽勉勤以仁義。矢謨願效於前修。累遷兵部尙書。掌六部事。兼都御史。知經筵事。國子祭酒。廣文侯。統元庚辰年。七十致仕。壽七十九卒。後追贈太傅。廣郡公。諡文亮。公遭時致位。担當經濟。而廉介清約。無一毫營私。所得俸祿。皆以分宗族鄉黨。惠心碩望。當時推服。初公父以儒生好地學。得北方師所賜一局。訣云。繼發魁科。掌鈞衡。始扞壘祖。而遷居於盛烈之裴東村。至公果驗云。次子祿復登大正。

壬辰科榜眼。長子柱以中式仕莫爲贊理尙書歸順。封功臣。孫秉淵在中興初輔佐。別有傳見後。

梁得朋 弘化會潮人。少稱神童。年二十八登憲宗景統二年己未科會元。廷試賜第一甲進士。

第二名應制第一。官禮部左侍郎。翰林院侍讀掌院事。洪德初以應義功陞禮部侍郎。尋丁憂命起復兼東閣學士入侍經筵。固辭不受。因獻治平十四策。其略曰。臣聞古之聖王不以天下既治而忽警戒之念。古之賢臣不以其君既聖而忘箴規之意。是以虞舜之時既熙皞矣。而伯益之矢謨則曰。罔遊于逸。罔淫于樂。無怠無荒。慄慄乎如危亡之將至。帝舜納其言而戒其所當戒。此所以爲大聖也。漢文之辰既富庶矣。而賈誼之獻策則曰。措火積薪。可爲流涕。可爲痛哭。惴惴乎若禍亂之已形。文帝納其言而憂其所當憂。此所以爲賢君也。蓋以臣之進言不諄勤不激切。則無以助人君聽納之明。君之聽言不採察不寬容。則無以開人臣進諫之路。今陛下寬仁大度不嗜殺人。復高祖之業救萬民之命。四海之內如解倒懸。莫不延頸企踵仰望新政之成。舞鼓太平之治。然而卽位以來和氣未調。干戈未戢。朝綱未舉。軍政未修。災異屢見。恐天道之未順。山石剝削。恐地道之未寧。奸臣竊發盜賊潛萌。恐人道之未安也。而在朝之臣知而不言。其自爲計得矣。如國計何。臣忝以舊臣義同休戚。雖在衰絰之中。通喪未畢。而陛下以義奪情。置之侍從。蓋欲臣有所議論。猷爲裨益天下。輔贊太平矣。如臣旅進旅退。碌碌隨人。苟容苟祿。則臣之忠孝兩虧。何以報陛下之恩。盡人臣之職。每念時義則終夜不寢。臨食不殮。犬馬之心自不能已。謹條陳治平十四策以聞。一曰致警戒以弭災異之變。二曰篤孝思以敦忠厚之心。三曰遠聲色以正一心之本。四曰去奸佞以清萬化之源。五曰惜

卷七 人物誌

勳賢之輔

四四

官爵以謹勸懲之典。六曰公銓選以清仕進之途。七曰節財用以敦儉樸之風。八曰褒節義以重綱常之道。九曰禁賄賂以革貪墨之風。十曰修武備以壯金湯之勢。十一曰擇臺諫以作敢言之氣。十二曰寬力役以孚徯望之情。十三曰信號令以一四方之志。十四曰謹法度以闡太平之治。以上等策上干睿覽。臣又聞古語云。藹藹之言聖人擇焉。書曰。知之非難行之惟艱。臣願陛下勿以臣言爲迂闊。擇而行之。戒其所當戒。憂其所當憂。其庶乎天道可順。地道可寧。人道可安。太平可致也。襄翼帝嘉納之。仕至吏部尙書。參預朝政。敦忠伯。年五十餘卒。子有慶爲中興初功臣。別有傳云。

甲 海

號節齋。鳳眼郢蓊人。父貫嘉林鉢場。少孤貧。居母鄉細江。公遊于江渚。有郢蓊商載之。

歸養爲子。延師受業。文學大進。年二十三。中莫登瀛。大正九年戊戌科進士。一甲第一名。改名澂。以文章登仕。爲時所重。屢往南關辦事。應答精敏。明人稱爲甲宣撫而不名。茂治延成初年。官吏部尙書。兼都御史。倫郡公。以彗星屢見。上疏云。謹按傳記。彗星妖星也。出長大則災深期遠。短小則災淺期近。今之政事日非者非一。書曰。以承上帝神祇。社稷宗廟。罔不祇肅。而今奉先之禮。犧牲粢盛。失於簡薄。供奉祭物。苟慢不恭。其可懼者一也。孟子曰。君仁莫不仁。方今在君之側。近習便媚。嬉遊引導。以求交中。宮闈至嚴。出入而無禁。宣納至愼。壅蔽而不通。其可懼者二也。孟子曰。上下交征利而國危矣。方今上下之官。能不嗜利者十只二三。餘皆汨汨於利。官爵之冗濫。田土之占奪。藩鎮之徵求。賣買無所不爲。其可懼者三也。左傳曰。國家之敗。由官邪也。今內外之臣。能由於正者。十常一二。餘皆逐逐於邪。敕旨之傳送。官司吏舍之徵求。大小詞訟之索賄。無所不至。其可懼者四也。唐史曰。

國依於民。今公私勞擾。民不聊生。國將疇依。其可懼者五也。傳曰。師克在和。今帥將乖違。互相角異。師何以克。其可懼者六也。外此悖理傷道之事。難以枚舉。所以星告災異。非是偶然。願戒謹危懼。改革弊政。人心既和。天意自得。若或樂於宴安。不知悛省。則危亡之期。未可保也。茂洽不能用其言。而加陞少保。力辭不許。次年命掌六部事。兼東閣大學士。知經筵。加封策國公。時莫政日非。災異屢降。激以盛滿爲戒。累求解職。不許。會有颶風大作。又疏言。颶風之變。誠爲大異。天變不虛生。皆由人事所招。今寇盜未息。兵役繁興。黃放白催。歲無虛日。頭會箕歛。利析秋毫。自崇禎六年迄今。積九年間。刷場追者此民。前殿追者此民。神武効力追者此民。威弩神臂追捉者此民。衛所州縣徵收者此民。其餘或致增倍其數。罄破其產。民情慄慄。幾不聊生。詩云。無曰高高在上。陟降厥士。士卽事也。書曰。天聰明自我民聰明。天視聽自我民視聽。民心所存。卽天意所在。今人事至此。民困至此。颶風之變。天其以是警之。易曰。震來虩虩。笑言啞啞。小象曰。恐致福也。今欲弭災消變。非恐懼修省。將何以致福。願以天變爲必可畏。以人事爲必可修。敬天之怒。不敢戲豫。敬天之渝。不敢馳驅。絕嬖幸之路。杜貨利之門。訓迪百官。興舉百廢。勅下朝臣。議行寬恤之條。肆頒恩諭。曲赦無辜壓溺之民。時令所在官司。厚加存恤。庶使恩出於上。澤究於下。人心既悅。天變自弭。臣又聞。天下雖安。忘戰必危。況今憂危之辰。不有武備。其何能國。今新選之兵。所置之營。器械未銳。技藝未精。船艘未整。矧皇天示警。正當恐懼憂勤之日。自治之策。內修之政。不可不致其謹。宜明法令。緝紀綱。慎固封守。繕修城堡。飾兵馬。備器械。治船艘。置營寨。定番次。嚴期會。申教令。時操練。慮善以動。動惟厥時。尤願敦崇國本。締結

卷七 人物誌

勳賢之輔

四六

人心厚之而不困。扶之而不傷。節其力而不盡。既寬力役之征。便是蕩平之策。茂治慰諭之。召使赴京。坐堂任事。進加太保。參預朝政。屢乞致仕。茂治眷留不聽。八年秋。復疏言。知足不辱。古人之所戒。年至便歸。昔賢之所處。臣年既老。自當引去。區區一意。更有何言。望諒愜忱。允臣致仕。全臣晚節。保臣殘年。此臣之大願。方今衆賢在朝。如有規措。自有定算。第臣憂治思危。惓惓老志。不能自已。願陛下又中圖治。敬所恭先。專正學。親正人。寔意正心。防非窒欲。不邇聲色。不殖貨利。無酗于酒。無淫于樂。杜嬖倖。戒遊佚。俾政成化行。民若邦休。以登于至治。臣願田野休閒。亦預享太平之福。茂治批出。答云。公耆舊勤勞。禮亦宜休。今圖新求助。公老成諳練。義未可去。煩且留坐政堂。主公論贊成圖治。復正國封。至此時。公休未晚。九月。公再表請致仕。猶不許。十一月。復疏請辭。旨懇切。茂治不得已。從之。年七十一。彩旗對聯曰。狀頭宰相。斗南峻國老。帝師天下尊。詞筆文宗名。兩國華纒。壽曜炫三台。蓋極其榮耀云。壽七十五。所撰有綏文集行世。

按黎初輔佐勳業文章。惟抑齋公爲最。他如黎海歷之智識精明。陶賓卿之諳練敷歷。阮仙遊之慷慨擒虎。天爵之遇事盡言。總亦不愧名臣。迨于太寶年間。掄魁所得。如公挺孟安二公。其勳望之美。皆是不負科名。光順洪德而後。賢才接武于朝。固難縷數。今但錄其名望之卓見。勳業之著聞者。自梁狀元以下。得九人。類登賢輔。而莫朝甲狀元之功名顯著。亦間以附載云。